

Peqqussutissatut siunnersuummut oqaaseqaatit

**Oqaaseqaatit nalinginnaasut**

1. Aallaqqaasiut:

Ilaqutariinnermut Inatsisinillu Atortitsinnermut Naalakkersuisup allannguutissatut siunnersuutaa annertuumik innarluutilinnik namminneq inigisaminni taamatullu ataatsimoorullugit najugaqarfinni najugalinnik suliassaqartitsinnermut ingerlatsinnermut tapiissutinik aningaasaliissutinut erseqqissumik inatsitigut tunngavissiisaaq. Sannavimmi illersugaasumi suliassaqartitsisoqartassaaq.

2. Siunnersuummi pingaarnerit:

Ilaqutariinnermut Pisortaqarfik annertuumik innarluutilinnut ikiorsiisarneq pillugu Namminersornerullutik Oqartussat nalunaarutaat nr. 28-mi § 40, imm. 4 malillugu ornittakkanut assigisaannullu tapiissutinik siusinnerusukkut aningaasaliissuteqartareerpoq, annertuumik innarluutilinnik suliassaqartitsinnermut sannavinnut illersugaasunut assigisaannullu atatillugu ingerlatsinnermut aningaasartuutinut akiliutigineqartartunik.

Ilaqutariinnermut Pisortaqarfiup 2004-p naalernerani annertuumik innarluutilinnik nammineq inigisaminni najugalinnik suliassaqartitsinnermut ingerlatsinnermut tapiissuteqartarnini unitsippaa, inatsisimmi ima nassuiaatissarsineqarmata annertuumik innarluutilinnik suliassaqartitsinnermut tapiissuteqartarnissaq inatsisitigut tunngavissaqanngitsoq.

Tulliuttut Ilaqutariinnermut Pisortaqarfiup paasinninneranut nassuiaanerannullu tunngavigineqarput.

Annertuumik innarluutilinnut ikiorsiisarneq pillugu Inatsisartut peqqussutaat nr. 7, 3. november 1994-imeersumi § 18, imm. 1-imi takuneqarsinnaavoq Ilaqutariinnermut Pisortaqarfik annertuumik innarluutilinnut ulloq unnuarlu paaqqinnittarfimmiittunut, naleqquttumik suliassaqartitsissasoq. Taamatuttaaq peqqussummi § 18, imm. 2 innarluutilinnik ulloq unnuarlu paaqqinnittarfimmiittunik suliassaqartitsinnermut taamaallaat tunngavoq.

Ilaqutariinnermut Pisortaqarfiup paasinninnera malillugu § 18, imm. 3 § 18, imm. 1-imut aamma 2-mut atatillugu atuarneqartussaavoq, taakku annertuumik innarluutilinnut ulloq unnuarlu paaqqinnittarfimmi najugalinnut tunngapput. Taamaammatt § 18, imm. 3-mi Ilaqutariinnermut Pisortaqarfiup isumaa malillugu annertuumik innarluutilinnut nammineq angerlarsimaffimminni najugaqartunut suliassaqartitsinnermut tapiissutit pillugit malittarisassanik aalajangersaanissamut

inatsisitigut tunngavissaqanngilaq. Annertuumik innarluutilinnut ikiorsiisarneq pillugu Namminersornerullutik Oqartussat nalunaarutaat nr. 28-mi § 40, imm. 4 ulluunerani katersuuttarfinni ornittakkaniluunniit iliuuseqarnernut peqataanermut akiliutissat annertussusissaannut tunngavoq. § 40, imm. 4 paragraffip sinneranut ataqatigiissillugu atuarneqassaaq, tassani allaaserineqarmat Ilaqutariinnermut Pisortaqarfiup kommunillu innarluutilinnik tamarmik immikkut suliassaqtinniarlugit akisussaaffigisaminnik suliassaqtitsinissaq qanoq ilillutik suleqatigiissutigisinnaaneraat.

Ilaqutariinnermut Pisortaqarfiuttaaq innarluutilinnik nammineq inigisaminni najugaqartunik suliassaqtitsineq ikiorsiissutitut naatsorsuutinnigilaa tamatumalu kingunerisaanik annertuumik innarluutilinnik ikiorsiisarneq pillugu Inatsisartut peqqussutaanni ilaatinnagu, kisiannili kommunit suliassaattut isigalugu soorluttaaqq kommunit pensionisiallit siusinaartumillu pensionisiallit suliassaqtittaraat.

Isumaginninnermi Naammagittaalliuuteqarfiup 28. april 2006-imi aalajangiinnermigut kommunit taperserpai annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersumi inatsisitigut tunngavissaqartoq annertuumik innarluutilinnik suliassaqtitsinnermut tapiissuteqartoqarsinnaaneranut.

Isumaginninnermi Naammagittaalliuuteqartarfiup aalajangiinnerminut tunngavilersuutigaa Inatsisartut peqqussutaanni taamatullu Inatsisartut peqqussutaannut oqaaseqaatini erseqqissumik takuneqarsinnaammat Namminersornerullutik Oqartussat tassaasut ikiorsiiniarluni iliuuseqarnernut innarluutillit pillugit peqqussut inatsisitigut tunngavigalugu aallartinneqarsimasunut aningaasartuutunik nammattussat. Taamatuttaaqq Isumaginninnermi Naammagittaalliuuteqartarfik naliliivoq innuttaaqataasunut innarluutilinnut suliassaqtitsiniutinik aallartitsisarneq eqqarsaatigalugu taamaallaat kommunit aamma Namminersornerullutik Oqartussat akornanni akisussaaffiit agguanneqarnerat pineqartoq, aningaasanut tunngatillugu nammagassat agguanneqarnerat pineqarani. Aningaasanut tunngatillugu nammagassat agguanneqartarnerat taamaallaat peqqussummi § 26-kkut malittarisassaqtitaavoq kingusinnerusukkullu nalunaarummi aalajangersakkakut allanngortinneqarsinnaanani.

Ilaqutariinnermut Inatsisinillu Atortitsinnermut Naalakkersuisup kissaatigaa allannguutissatut siunnersuut malillugu inatsisitigut erseqqissumik periarfissaliisoqassasoq kommunit annertuumik innarluutilinnik namminnerlu najugaqarfeqartunik suliffissaqtitsinnerannut ingerlatsinnermut tapiissuteqartoqarsinnaanissaanik, taamaasilluni siunissami paatsuungassutigineqaqqunagu suut tapiissuteqarfigineqarsinnaanersut. Ilutigalugu kissaatigineqarpoq tapiissutinik aningaasaliissuteqartarneq pillugu malitassanik aalajangersaasoqassasoq, taamaasilluni kommunit suliffissaqtitsiniarnikkut pineqartunik neqeroortigisinnaasaannut piumasaqaateqarsinnaanissaq periarfissaatikkumallugu, tamatumani aamma naatsorsuutunik il.il. nassiussisarnissamut tunngassuteqartut ilanngullugit.

### 3. Pisortanut aningaasaqarnikkut allaffissornikkullu kingunerisassai:

Siunnersuut kommuninut allaffissornikkut annikitsuinnarmik kinguneqassaaq. Naatsorsuutigineqarsinnaavoq kommunit Ilaqutariinnermut Pisorta qarfimmu ukiumoortumik naatsorsuutininik, missingersuutininik aamma ukiumoortumik nalunaarusianik nassiussisarnermi immikkut piffissamik atuisariaqartassasut, naatsorsuutigisariaqassammammi kommunit sannavimmik illersugaasumik ingerlatsinermut atatillugu ukiumoortumik nalunaarusiamik, missingersuutininik aamma ukiumoortumik naatsorsuutininik qangalili suliaqartareersut.

Naatsorsuutigineqarpoq kommunini 15-ini sannavinnik illersugaasunik ingerlatsinermut siunnersuut ukiumut katillugit 5.755.000 koruuninik akeqassasoq. Ilaqutariinnermut Pisorta qarfiup naatsorsuutigaa aningaasat taamatut amerlatigisut siunissami atorneqartarumaartut.

Naatsorsuisoqarpoq kommunit maannakkut sanaviutaat illersugaasut aamma sannavinnik illersugaasunik allanik pilersitsinissamik ilimagisaasut aallaavigalugit.

Ilaqutariinnermut Pisorta qarfiup sulisunut aningaasartuutit akilertassavai imatut,

Sullitat arfinillit qulillu akornannannut sulisunut ataatsimut tapiissuteqartoqartassaaq.

Sullitat aqqanillit 25-llu akornannannut sulisunut marlunnut tapiissuteqartoqartassaaq.

Sullitat 26-niit qummut sulisunut pingasunut tapiissuteqartoqartassaaq.

Tapiissuteqartoqarsinnaavoq nalunaaquttap akunneranut 97,79 koruuninik nalunaaquttap akunneri 1880-it ukiumut killiliullugit. Katillugit sulisunut amerlanerpaamik 183.845 koruunit tapiissutigineqartassapput.

Suliassaqtitsinermut atortussat:

Naatsorsuutigineqarpoq sannavinnut tamanut 75.000 koruunit tunniunneqartassasut, taakku ulloq unnuarlu paaqqinnittarfiit sannaviinut tapiissutigineqartartut amerlaqatigaat.

Naatsorsuutigineqarpoq kommunit 15-nit peqareerlutilluunniit imaluunniit qanittukku sannavimmik illersugaasumik pilersitsissasut.

Ilaqutariinnermut Pisorta qarfiup kommunit mikinerit marluk annertuumik innarluutillit pillugit pequssummut ilaasunik ikittuinnarnik innuttallit ilanngutinngilai, soorluttaaq Ivittuut Kommuniat eqqarsaatersuutininut ilaatinneqanngitsoq, naatsorsuutigineqarmammi kommunini taakkunani sannavinnik illersugaasunik pilersitsinissaq pisariaqartinneqarnaviannngitsoq.

### 4. Namminersortunut aningaasaqarnikkut allaffissornikkullu kingunerisassai:

Siunnersuut namminersortunut aningaasaqarnikkut allaffissornikkullu

kinguneqassanngilaq. Naatsorsuutigineqanngilaq sannaviit illersukkat namminersortunut unammillertuunissaat.

5. Avatangiisinut pinngortitamullu tunngatillugu kingunerisassai:

Siunnersuut avatangiisinut pinngortitamullu tunngatillugu kinguneqassanngilaq.

6. Innuttaasunut allaffissornikkut kingunerisassai:

Siunnersuut innuttaasunut allaffissornikkut kinguneqassanngilaq.

7. Naalagaaffeqatigiinnermut namminersulernissamullu tunngasut:

Siunnersuut Naalagaaffeqatigiinnut namminersulernissamullu tunngatillugu kinguneqassanngilaq.

8. Oqartussaasunik kattuffinnillu tusarniaaneq:

Siunnersuut oqartussaasunut kattuffinnillu ukununga tusarniaassutigineqarpoq:

KANUKOKA, Kalaallit Nunaanni Innarluutillit peqatigiiffiat (KNIPK) aamma Aningaasaqarnermut Pisortaqarfik.

Tamarmik tusarniaanermut akissuteqarput.

Pisortaqarfiup tusarniaanermut akissutitut oqaaseqaatini matuma kinguliini uingasunngorlugit allattorpai.

KNIPK allanngortitsinissamik siunnersuummut oqaaseqaateqanngilaq.

Aningaasaqarnermut Pisortaqarfiup siunnersuutigaa kommuninut allaffissornikkut kingunerisassai pillugit oqaaseqaatit allanngortinneqassasut.

*Ilaqtariinnermut Pisortaqarfiup siunnersuummut ilanngullugit suliarai.*

Aningaasaqarnermut Pisortaqarfiup siunnersuutigaattaq ingerlatsinermut tapiissutisinissamut atatillugu ukiumoortumik naatsorsuutinik, missingersuutinik, ukiumoortumik nalunaarusiamik allanillu nassiussisoqartassasoq.

*Ilaqtariinnermut Pisortaqarfiup siunnersuummut ilanngullugit suliarai.*

KANUKOKA-p isumaqatiginngilaa taamaallaat sannaviit illersukkat siunnersuummut ilaammata annertuumik innarluutilinnut ullormut neqeroorutigineqartartut ataatsimut isigalugit pineqaratik.

*Ilaqutariinnermut Inatsisinillu Atortitsinermut Naalakkersuisup kissaatiginngilaa annertuumik innarluutilinnut ulluklut neqeroortigineqartartunut tamanut ataatsimut isiginnilluni tapiissuteqartarnissaq, aningaasaqarnerulli tungaanit isigalugu taamaallaat sannavinnut illersugaasunut tapiissuteqartoqartassasoq toqqarsimallugu. Kommunit ataasiakkaat illersugaasumik sannaveqalernissartik, ornittagaqalernissartik ulluuneraniluunniit katersuuttarfeqalernissartik nammineq aalajangissavaat. Taamatuttaaq siunnersuummi innarluutillit atugarisaat eqqaamaniarneqarput, naatsorsuutigineqartariaqarmammi amerlanerpaartaasa kissaatigissagaat nunatsinni innuttaasutulli allatut piviusorsioortumik suliassaqartitaanissartik kissaatigissagaat.*

KANUKOKA isumaqarpoq taamaallaat sannaviit illersugaasut siunnersuummut ilaatinneqarnerat Isumaginninnermi Naammagittaalliuuteqartarfiup aalajangiineranut 28. april 2006-imeersumut akerliusoq, tassanimit kommunit iluoornerarneqarmata aammattaaq ornittakkanut tapiissuteqartoqartarnissaanut inatsisini atuuttuni tunngavissaqartoq.

*Ilaqutariinnermut Inatsisinillu Atortitsinermut Naalakkersuisup kissaatigerpiarpaa siunnersuutikkut inatsisit allanngortinneqassasut taamaalilluni siunissami annertuumik innarluutilinnut nammineq inigisaminni najugaqartunut sannavinnut illersugaasunut taamaallaat ingerlatsinermut tapiissuteqartarnissamut inatsisitigut tunngavissaqalerluni.*

## **Peqqussutissatut siunnersuummi aalajangersakkanut ataasiakkaanut oqaaseqaatit.**

### *§ 1-imut*

Nr. 1-imut

Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersumi § 18-imi innarluutillit ulloq unnuarlu paaqqinnittarfimmiittut suliassaqartinnissaat pillugu aalajangersaasoqarsimavoq. Siunnersuutikkut innarluutilinnik nammineq inigisaminni najugaqartunik suliassaqartitsineq pillugu malittarisassat peqqussutikkoortunngorlugit qaffanneqarnissaat aalajangersarneqassaaq. Isumaginninnermi Naammagittaalliuuteqartarfiup isummerfiginngilaa nalunaarummi aalajangersakkat aammattaaq innarluutilinnut nammineq inigisaminni najugalinnut tunnganersut. Taamaammat takuneqarsinnaanngilaq § 18, imm. 3-p, Naalakkersuisunik piginnaatitsisup annertuumik innarluutillit nammineq inigisaminni najugaqartut suliassaqartinneqarnerat pillugu erseqqinnerusunik malittarisassiornissaanut, aamma siunnersuummi § 18a, imm. 3-p, Naalakkersuisunik piginnaatitsisup

annertuumik innarluutillit nammineq inigisaminni najugaqartut suliassaqartinneqarnerat pillugu erseqqinnerusunik malittarisassiornissaannut, akornanni akerleriittoqartoq.

Annertuumik innarluutillit ikiorserneqartarnerat pillugu Inatsisartut peqqussutaanni § 18-imi sannavinnut illersugaasunut ingerlatsinermut tapiissutinik agguaassisarneq pillugu immikkut malittarisassanik aalajangersaasoqarsimanngilaq. Ilaqutariinnermut Inatsisinillu Atortitsinermut Naalackersuisup siunnersuutikkut kissaatigaa sannavinnut illersugaasunut ingerlatsinermut tapiissutinik agguaassisarnermut peqqussummiittumik piumasaqaateqartoqarsinnaalissasoq.

#### Imm. 1-imut

Aalajangersakkakkut erseqqissumik Ilaqutariinnermut Pisortaqarfik inatsisitigut tunngavissinneqassaaq annertuumik innarluutilinnut nammineq inigisaminni najugalinnut sannavinnut illersukkanut ingerlatsinermut tapiissutinik aningaasaliisarnissaanut. Oqaatsimut nammineq inigisamut ilaapputtaaq najugaqaqatigiiffiit ataatsimoorussamillu inissiat.

Sannavimmi illersugaasumi suliassaqartitsisoqassaaq. Sannavik illersugaasoq suliffeqarfimmut nalinginnaasumut assinguvoq, tassami assersuutigalugu tunisassiortoqartarmat tuniniarneqartussanik. Aningaasarsianut aningaasartuutitut kiisalu suliassaqartitsinermut atortussanut aningaasartuutitut matusissutissanik ingerlatsinermut tapiissuteqartoqarsinnaavoq. Suliassaqartitsinermut atortussatut paasineqassapput sannavimmi illersugaasumi sulinermut atortussatut pisariaqartinneqartut. Assersuutigalugu tassaasinnaapput naneruusiornermut atortussat.

#### Imm. 2-mut

Sannavimmut illersugaasumut ingerlatsinermut tapiissutissanik kommunit qinnuteqarnerannut atatillugu piumasaqaataavoq kommunip sannavik illersugaasoq pillugu ukiumoortumik naatsorsuutinik, missingersuutinik aamma ukiumoortumik nalunaarusiamik ilanngussisarnissaa. Taakku nalunaarummiitinnagit Inatsisartut peqqussutaannut ilanngunneqarnerannut pissutaavoq ersersikkumaneqarmat pinngitsoorani piumasaqaataasoq Ilaqutariinnermut Pisortaqarfiup qulakkeerniassammagu ingerlatsinermut tapiissutit siunertamut isumaqatigiissutaareersumut atorneqarnissaat. Taamaattoq kommuni ingerlatsinermut tapiissutisisarnissaminik piumasaqaateqarsinnaanngilaq ukiumoortumik naatsorsuutinik, missingersuutinik ukiumoortumilluunniit nalunaarusiamik nassiussisimagaluaruniluunniit.

#### Imm. 3-mut

Naalackersuisut annertuumik innarluutilinnut nammineq inigisaminni najugalinnut sannavinnut illersukkanut ingerlatsinermut tapiissutisisinnaassagaanni piumasaqaatit pillugit sukumiinerusunik malittarisassiornissaminnut piginnaatitaaffilerneqarput. Immikkut eqqarsaatigineqarpoq erseqqinnerusumik taaneqassasoq suna tunngavigalugu ingerlatsinermut tapiissutisinissamik qinnuteqaat akuerineqassanersoq, taamatuttaaq suliassaqartitsinerup, nalunaaquttap akunnerisa

amerlassusissaasa, akissarsiassat allallu qanoq ittuunissaannut immikkut  
piumasaqaateqartoqarnissaa.

*§ 2-mut*

Siunnersuutigineqarpoq Inatsisartut peqqussutaat atuutilissasoq ulloq 1. januar 2007-  
imi.